



He Arotake Pōtitanga Motuhake
Independent Electoral Review

Pepa aloa'ia o le aotelega

O se vala'aulia e ta'u mai ai sou finagalo e uiga i le fa'atulagaina o la tatou faigāpalota

Setema 2022

Fa'atomuaga

O le Iloiloga Tuto'atasi o Faigāpalota (le **iloiloga**) na fa'atuina e le Minisita o Fa'amasinoga ina ia iloilo ai tulafono o faigāpalota a Aotearoa Niu Sila. O lenei iloiloga o se avanoa mo tulafono o faigāpalota ina ia atili ai ona manino, ia fetau, ma faigofie ona mauaina e tagata palota i le taimi nei ma le lumanai.

O le laulau ua tofia e faia le iloiloga o lo'o ta'ita'ifono ai Deborah Hart. O ona sui auai o le Associate Professor Maria Bargh (sui ta'ita'ifono), Professor Andrew Geddis, Dr Lara Greaves, Alice Mander, ma Robert Peden.

E leai se taimi tele? O lenei aotelega o lo'o ta'u atu ai ia te oe le fa'amoemoe o le iloiloga, o nisi o mataupu autū, fa'apea fesili e matou te fia fesiligia ai oe.

Pe fia silafia atili? Silasila i la matou pepa aloa'ia o fa'atalanoaga, o lo'o maua i la matou upega tafa'ilagi i le <https://electoralreview.govt.nz/>.


E mafai ona e taliina le tele o fesili e te mana'ó ai, pe na o le fa'aleo mai o ou manatu e aunoa ma le taliina o fesili. Matou te taliaina ni folasaga i se mataupu e tasi, ni nai mataupu, po'o le iloiloga atoa. Matou te fa'amalosi'auina oe e fa'asoa poo ā mea e sili ona tāua ia te oe i totonu o matou Tu'utu'uga o Fa'amatalaga.

Aiseā tatou te mana'omia ai lenei iloiloga?

O tulafono fa'aonaponei ma tulaga maua gofie o faigāpalota e tāua tele mo le tatou fa'atemokalasi ina ia fa'atino lelei. O le tele o vaega o le tulafono o faigāpalota a Aotearoa Niu Sila o lo'o tumau pea mo le silia i le 60 tausaga ma ua lē toe aogā.

A'o fa'atupula'ia pea faiga taufa'amata'u i le fa'atemokalasi i le lalolagi atoa, o lenei iloiloga o se avanoa lea e fa'amalosi'ia ai le fa'atulagaina o a tatou faigāpalota mo le lumanai.

Ua talosagaina i matou ina ia mautinoa ua ausia e fa'atulagaina o la tatou faigāpalota sini autū nei:



O le ā e fa'atatau i ai le iloiloga?

O le iloiloga e aofia ai le toetoe lava o mea uma e fai i le fa'atinoga o le faigāpalota. O nisi o mataupu autū o loo talanoaina i itulau o soso'o mai.

I le taimi atoa o le iloiloga, o le a mafaufau ai fo'i le laulau i le mamanu o tulafono ma fautuaga talu ai a le Komisi o Faigāpalota ma le Komiti o Fa'amasinoga.

O le a matou le va'ava'ai i se faigāpalota e fa'atino i luga o le initaneti, o isi fa'atulagaina o faigāpalota i le MMP, tulafono o faigāpalota a pulegamalo laiti, fa'atumauiina o itumalo fa'apalota a Maori, po'o mataupu lautele fa'alefa'avae.

E mafai ona e su'esu'eina atili e uiga i le telē e oo iai le iloiloga i la matou Tu'utu'uga o Fa'amatalaga i luga o la matou upega tafa'ilagi: <https://electoralreview.govt.nz/>.

Te Tiriti o Waitangi - le Feagaiga i Waitangi

O se tasi o manulauti o le iloiloga o le tuuina atu lea o fautuaga i auala e mautinoa ai le lagolagoina e le fa'atulagaina o le faigāpalota o le Tiriti o Waitangi. – the Treaty of Waitangi. E fia fa'alogo le laulau po'o ā mataupu o lo'o i totonu o le iloiloga e sili ona tāua mo Māori.

O tulafono o faigāpalota e tataua ona mafai ai e manatu Maori ona fai ma sui i totonu o le Palemene ma lagolagoina le auai malosi o Maori i le fa'atulagaina o le faigāpalota. E iai le tiute o le Malo e puipui malosi nei aiātatau.

la manatua

A o e saunia lau talosaga, atonu e te mana’o e mafaufau e uiga i:

E faafehea ona faatumauiina e le Malo ana matāfaioi i lalo o le Te Tiriti o Waitangi – le Feagaiga o Waitangi e fa'atatau i tulafono o faigāpalota?





Vaega 1: Le fa'atulagaina o le faigāpalota

O lo'o fa'aaogāina i Aotearoa Niu Sila se Faiga Fa'afefiloi o Sui (**Mixed Member Proportional - MMP**) i le fa'atulaga o le faigāpalota e filifili ai Sui o le Palemene (**MPs**). E masani ona 120 nofoa o le Palemene ma e aofia ai faipule o lo'o fai ma sui o latou itumalo fa'apalota (**faipule o itumalo MPs**), ma MPs o lo'o fai ma sui mai ia latou vaega fa'aupufai (**faipule mai le lisi**).



Sui ma MMP

E ui e lē o va'ava'ai le iloiloga i ni auala e sui ai le fa'atulagaina o le faigāpalota a le MMP, ae o loo va'ava'ai i talosaga na faia e le Komisi o Faigāpalota i le 2012 mo le faaleleia atili o le fa'agasologa o le MMP. E aofia ai le toe iloiloaina o tulaga e tatau ona la'asia e vaega fa'aupufai (**isi vaega**) e ulufale ai i le Palemene. I le taimi nei e tatau i vaega fa'aupufai ona maua le 5 pasene o le palota fa'apatī po'o le manumalo ia lē itiiti ifo ma le tasi le nofoa palota. O lo tagofiaina foi i le iloiloiga le talosaga a le Komisi o Faigāpalota i le 2012 e soloia ai nofoa o lo'o tautau ma fa'atulaga le fua fa'atatau o le aupalota i le lisi o nofoa i le 60:40 ina ia fa'atumauiina ai le tulaga o sui ma tulaga tutusa i totonu o le Palemene.



Paea'iga a le Palemene ma taimi o faigāpalota

I le taimi nei, e tatau i Aotearoa Niu Sila ona faia se faigāpalota lautele ia le itiiti ifo i le ta'i tolu tausaga. O faigāpalota masani e tāua tele i faiga fa'atemokalasi auā e mautinoa e maua e tagata palota se avanoa e filifili ai pe latou te manana'o e sui o latou faipule pe sui le faigāmalo.

O le iloiloga o lo'o iloiloaina pe tatau ona sui le paea'iga a le palemene mai le tolu tausaga. O le a va'ava'ai foi pe tatau ona faia ni suiga i le fa'agasologa o le vala'auina o se palota. I le taimi nei, e mafai e le Palemia ona faia se fa'ai'uga e taloina se palota i so'o se taimi a o lei uma le tolu tausaga.



Isi mataupu

O lenei vaega o le iloiloga o le a aofia ai foi le auala e mafai ai ona ave'esea le nofoa o se Faipule i le Palemene, ma le mea e tupu i lenā taimi.



Vaega 2: Tagata palota

O le palota o se auala tāua lea e auai ai tagata i tulaga fa'atemokarasi a Aotearoa Niu Sila. O le palota, e filifili ai tagata po'o ai o le a fai ma o latou sui e momolia o latou mana'oga i totonu o le Palemene. O tulafono mo ē e mafai ona palota, ma le auala e mafai ona latou palota ai, o vaega autu ia o le fa'atulagaina o la tatou faigāpalota.



O le aiātatau e palota ai

A'o le'i mafai e se tasi ona palota i se faigāpalota a le palemene, e tatau ona lesitala e palota. Ina ia agava'a e lesitala, e tatau ona 18 tausaga le matua o le tagata pe matua atu, o se tagata sitiseni Niu Sila po'o se tagata nofomau, ma sa iai se taimi na faaauau ai ona nofo i Aotearoa Niu Sila e lē itiiti ifo ma se tausaga. O nisi tagata ua fa'alēaogāina mai le palota – mo se fa'ataitaiga, pe afai sa nonofo i se isi atunuu ma a o le'i toe taliu mai i Aotearoa Niu Sila i se taimi lata mai, pe afai o lo'o tuliina se fa'asalaga fa'afalepuipui mo le tolu tausaga pe sili atu, pe afai foi na latou faia se solitulafono matuiā i mea tau faigāpalota.

O lo'o silasila le iloiloga pe tatau pea ona 18 tausaga le matua e agava'a ai e palota ma pe tatau ona iai nisi suiga i le agava'a o le tagata palota.



Ave'eseina o papupuni mo le auai

E sili atu ona fia auai tagata i faigāpalota pe afai e faigofie ona maua ma fa'atino le faiga o le palota. Ua suia le auala e palota ai tagata. I taimi ua te'a sa aga'i sa'o atu tagata i nofoaga po'o fale palota e fa'atino ai a latou palota i le aso tonu o le faigāpalota. I le taimi nei, ua filifili e le to'atele o tagata le fai o a latou palota a o le'i o'o i le aso o le faigāpalota, e ta'ua o le palota e vave fai (advance voting). E mafai ona lesitala tagata ma palota ai lava i lena aso, e aofia ai ma le aso o le faigāpalota. O lo'o avanoa auala eseese e fa'atino ai le palota mo tagata e eseese mana'oga, e pei o tagata e palota mai isi atunuu ma tagata e iai mana'oga fa'apitoa.

O lo'o silasila le iloiloga pe fa'amata i fa'amalieina mana'oga o tagata palota i auala o lo'o faatino ai le palota i le taimi nei, ma pe mafai ona faigofie ona uia.



Fa'alavelave fa'afuase'i ma fa'alavelavea

O mea e le'i fa'atalitalia e mafai ona taofia ai faigāpalota mai le fa'ataunu'uina e pei ona fuafuaina. Mo se fa'ata'ita'iga, na a'afia le fa'atinoga o le faigāpalota o le 2020 ona o a'afiaga o le COVID-19. Pe a iai se mea e fa'alavelavea ai, e mafai ona taofia le fa'aaogā o nisi fale palota, po'o le fa'aaogā fo'i o isi auala e palota ai. O lo'o tagofiaina i le iloiloga pe faamata e lava le malosi o nei puipuiga.



Isi mataupu

O lenei vaega o le iloiloga o le a aofia ai foi:

- le lesitalaina e palota, aofia ai le filifilia o le lola mo le palota lautele po'o le lola a Maori
- le fa'amautinoa ua malupuipua le fa'agasologa o le palota
- le faitauina o palota ma le fa'amatu'uina atu o taunu'uga.



Vaega 3: Vaega fa'aupufai ma sui tauva

E mafai e vaega fa'aupufai ma sui tauva ona fa'atutū mai o latou igoa mo le faigāpalota. O le iai o se fa'agasologa e amiotonu, e lē faaitu'au, ma manino mo le lesitalaina o vaega fa'aupufai, filifilia o sui tauva, ma fesoasoani tau tupe mo faiga fa'apolokiki, e fesoasoani lea e fa'atumauiina ai le fa'atuatuaina o le fa'atulagaina o faigāpalota.



Tauva mo le faigāpalota

E tāua tele le galuega a vaega fa'aupufai i totonu o tauvaga mo faigāpalota lautele ma faigāpalota laiti. E mafai ona latou lesitala pe toe faai i tua le lesitala. E na o vaega fa'aupufai ua lesitala e mafai on tauva i palota fa'apatī.

O tagatanuu uma ua lesitala e palota ua agava'a e avea ma se sui tauvā mo le faigāpalota. O tagata nofomau e lē agava'a e fai ma sui tauvā.

O lo'o silasila le iloiloga i tulafono o le lesitalaina o vaega fa'aupufai, agava'a o le sui tauvā ma le filifiliaina, ma fa'agasologa o le fa'atutūina mai o sui tauva.



Fa'atupeina o vaega fa'aupufai ma sui tauvā

E fa'alagolago vaega fa'aupufai ma sui tauva i seleni mai tagata ta'ito'atasi, kamupani po'o ni fa'alapotopotoga mo le fa'atupeina o a latou fuafulaga i aso ta'itasi ma fa'atosina o le palota. E fa'atapulaa le aofa'iga o seleni e fa'atupe mai e le malo, mo le faiga o fa'asalalauga fa'alauiloa a vaega fa'aupufai i luga o le TV, leitiu, ma le initaneti i le vaitaimi o le faigāpalota.

O lo'o silasila le iloiloga po'o iai se paleni talafeagai i le va o vaega tuma'oti o lo'o maua mai ai seleni, ma le malo lea e maua mai ai foi seleni, ma pe tatau ona fai ni suiga i tulafono o iai nei.



Fa'asalalauga fa'alauiloa o faigāpalota ma faiga fa'atosina

O le fa'atapula'a o fa'asalalauga fa'alauiloa, fa'asalalauga, ma tupe fa'aalu i fa'atosina ua fa'amoemoe ina ia fa'ata'oto ai se fua e laugatasia uma ai sui e tauva mo le faigāpalota ma taofia ai soo se tasi na te fa'aosofia se faiga lē tutusa i faigāpalota e ala i le matuā tele o tupe fa'aalu.

O lo'o silasila le iloiloga i tulafono o lo'o iai nei ma pe fa'amata e tatau ona iai ni suiga.



Isi mataupu

O lenei vaega o le iloiloga o le a aofia ai foi:

- fa'ailoaina o tulaga mana'omia
- o le matāfaioi a le au faalauiloa lagolago (third-party promoters) i faasalalauga o le faigāpalota.



Vaega 4: Fa'afuega o faigāpalota

O se vaega o fa'alapotopotoga so'oupu e iai le sao i le fa'afueina o faigāpalota a Aotearoa Niu Sila, ina ia mautinoa le mulimulita'ia o tulafono.



O le Komisi o Faigāpalota

O le matāfaioi autū a le Komisi o Faigāpalota o le fa'amautinoa lea o le sologa lelei o faigāpalota a le palemene. O lo'o fa'atumauiina le lola palota (e aofia ai ma le tu'uina atu o lola mo palota fa'alotoifale) ma lagolagoina le silafia lautele ma a'oa'oga e fa'atatau i faigāpalota a le Palemene.

O lo'o silasila le iloiloga i le matāfaioi a le Komisi o Faigāpalota i totonu o le fa'atulagana o faigāpalota, e aofia ai ana galuega tau'ave, malosi'aga, pulega, ma le tulaga tuto'atasi.



Fa'amalosiaina ma le fa'aleleiga mo fe'ese'esea'iga

O se fa'atulagana mo faiga fa'amalosiaina ma fa'afaigofie ona fa'atulafonoina ma se faiga e soālaupule ai fa'afitauli e tāua tele i le fa'amaoni o tulafono o faigāpalota a Aotearoa Niu Sila. E taulimaina e le Komisi o Faigāpalota ni fa'aseā, ma e afai e manatu ua soli le tulafono, ona ave loa lea o mataupu i Leoleo mo su'esu'ega. O fe'ese'esea'iga e fa'atatau i le uiga o tulafono ma i'uga o faigāpalota e fa'afueina e le Fa'amasinoga.

O lo'o silasila le iloiloga pe fa'amata e mana'omia ni suiga i solitulafono o lo'o iai nei, fa'asalaga, ma faiga mo le fa'amalosiaina, ma auala mo le fo'ia o fe'ese'esea'iga (e aofia ai le toe iloiloga a le fa'amasinoga ma talosaga o faigāpalota).



Isi mataupu

O lenei vaega o le iloiloga o le a aofia ai foi:

- le lola o faigāpalota ma lo latou fa'aaogāina
- le iloiloga o tuaoi o itumalo faigāpalota ma le Komisi o Sui o Itumalo
- le matāfaioi a isi fa'alapotopotoga, e pei o Leoleo, Serious Fraud Office, Broadcasting Standards Authority, ma le Advertising Standards Authority
- fa'amatalaga tau'asesē, fa'amatalaga lē sa'o, ma fa'alavelave mai fafo.

Fa'aali sou manatu



Matou te fia fa'alogo atu i sou finagalo

Matou te fia fa'alogo i sou finagalo i tulafono o lo'o iai nei o faigāpalota fa'apea ma ni au aikia e fa'atatau i le lumana'i o faigāpalota. O le a matou fa'aaogāina ou manatu e fesoasoani ina ia matou e faufauina ni fautuāga i ni mea e mana'omia ona sui.

Matou te taliaina ni folasaga i se mataupu e tasi, ni nai mataupu, po'o le iloiloga atoa. Matou te fa'amalosi'auina oe e fa'asoa poo ā mea e sili ona tāua ia te oe i totonu o matou Tu'utu'uga o Fa'amatalaga.

E mafai ona e mauaina le fa'aliliuga ma lomiga avanoa o le aotelega o lenei pepa aloa'ia ma la matou pepa o faatalanoaga i luga o la matou upega tafa'ilagi i le <https://electoralreview.govt.nz/>.

E fa'apefea ona momoli mai sou finagalo

O lenei pepa o fa'amatalaga o le aotelega o loo fa'amamafaina ai mataupu i totonu o le iloiloga ma e aofia ai fesili e fesoasoani ia te oe e tu'uina atu ai ou manatu. E mafai ona e taliina le tele o fesili e te mana'o ai, pe na o le fa'aleo mai o ou manatu e aunoa ma le taliina o fesili.

E tele auala eseese e mafai ona fai ai sau faamatalaga i le iloiloga:

- E mafai ona fa'asoa ou manatu i le initaneti e ala i le fa'atumuina o le pepa o le folasaga o lo'o avanoa atu i le: <https://consultations.justice.govt.nz/policy/independent-electoral-review/>.
- E mafai foi ona e tusia sau lava folasaga ma imeli atu i le secretariat@electoralreview.govt.nz, pe lafo i le:

Independent Electoral Review
Free Post 113
PO Box 180
Wellington 6140

- Afai e te mana'o e fa'ao'o mai lau folasaga i se video, fa'amolemole fa'afeso'otai mai matou i le meli po'o le imeli.
- O meafai fa'alaua'itele o le a lisiina i luga o la matou upega tafailagi i le <https://electoralreview.govt.nz/>. Fa'afeso'otai mai i le meli po'o le imeli pe a e ia iai sou naunauta'iga e talanoa i le laulau.

Aso e tapunia ai le fa'asoa mo sou finagalo fa'aalia

O le aso e tapunia ai folasaga uma o le **14 Novema 2022**. O folasaga e maua mai i le mae'a ai o lea taimi e ono lē mafai ona iloiloaina. Afai o lenei aso fa'ai'u e ono a'afia ai pe taofia ai lou auai (po'o le tou fa'alapotopotoga), fa'amolemole fa'aailoa mai ia matou.

Fa'amatalaga fa'alilolilo ma aloa'ia

Ua fa'amoemoe le laulau e fa'amatu'uina atu folasaga e maua mai. Afai e te lē finagalo e fa'amatu'u atu lou suafa po'o se isi lava fa'amatalaga na e tu'uina mai i lau folasaga, fa'amolemole ia fa'amanino lelei mai pe a lafo mai ia matou ma ta'u mai pe aisea. Mo se faata'ita'iga, atonu e te manao ia aua ne'i faalaua'iteleina nisi o faamatalaga talu ai o ni faamatalaga e ma'ale'ale ma patino ia te oe.

O lau folasaga e tu'uina mai e mafai foi ona noatia i se talosaga mo ni fa'amatalaga i lalo o le Official Information Act 1982 (le Official Information Act). O le a matou manatunatu loloto i ou manatu pe a e tali i talosaga na o lo'o i lalo o le Official Information Act.

E puipuia e le Privacy Act 2020 le fa'aaogāina e le Iloiloga Tuto'atasi o Faigāpalota o auala e aoina ai, tausaiaina, fa'aaogāina, ma le fa'asoaina atu o fa'amatalaga e patino ia te oe, ma isi fa'amatalaga e te tu'uina mai. E iai lau aiātatau e te maua ai ma fa'asa'o fa'amatalaga e patino ia te oe.

Fesili mo fa'atalanoaga



E mafai ona e taliina le tele o fesili e te mana'ó ai, pe na o le fa'aleo mai o ou manatu e aunoa ma le taliina o fesili.



Vaega 1: Le fa'atulagaina o le faigāpalota

- 1.1 O le ā sou manatu i le aofa'iga amata pito maulalo o le palota fa'apatī e tatau ona iai?
- 1.2 O ā ni ou manatu i le tasi o le nofoa fa'aitumalo mo le aofa'iga amata pito maulalo?
- 1.3 O ā ni ou manatu i nofoa faasili (overhang) o itumalo fa'apalota?
- 1.4 Pe e te manatu e tatau ona toe fa'aleleia le fua fa'atatau o itumalo fa'apalota i nofoa o le lisi? Afai o lea, o le ā la le fua fa'atatau e tatau ona iai?
- 1.5 O le ā le umi o le paea'iga a le Palemene e tatau ona iai?
- 1.6 E tatau faapefea ona seki le aso o le faigāpalota?
- 1.7 O ā suiga, pe afai e iai, e tatau ona faia i tulafono o loo iai i le taimi nei e faatatau i avanoa i totonu o le Palemene?

Pe iai se isi mea e te finagalo e ta'u mai ia i matou e uiga i mataupu o lo'o i le Vaega 1: Le fa'atulagaina o le faigāpalota?



Vaega 2: Tagata palota

- 2.1 O le ā sou manatu i le matua fa'atulagaina e tatau ai ona palota?
- 2.2 O ā suiga, pe afai e iai, e tatau ona faia i tulafono mo le agava'a ai o le tagata palota?
- 2.3 O ā suiga, pe afai e iai, e tatau ona faia e fa'aleleia ai le fa'agasologa o le lesitalaina o suafa?
- 2.4 O ā suiga, pe afai e iai, e mana'omia i le Filifiliga o Faigāpalota a Māori?
- 2.5 Pe o faamalieina mana'oga o tagata palota i le fa'atinoga o le palota o iai nei, e aofia ai ma palota faapitoa? Afai e leai, o ā ni suiga e tatau ona fai?
- 2.6 O ā suiga, pe afai e iai, e tatau ona faia ina ia fa'afaigofie ai le mauaina o mea e fa'atino ai le palota?

- 2.7 Pe o lava le malosi o puipuiga e puipuia ai le fa'amaoni o le fa'agasologa o le fa'atinoia o le palota? Afai e leai, o ā ni suiga e tatau ona fai?
- 2.8 O ā ni suiga, pe afai e iai, e mana'omia e feagai ai ma fa'alavelave fa'afuase'i ma mea e fa'alavelavea ai?
- 2.9 O ā ni tulaga e tatau ai lava ona tolopo se faigāpalota pe toe tu'u atu i se isi taimi mulimuli ane le palota?
- 2.10 O ai e tatau ona iai le malosiaga e faia ai se faai'uga e tolopo se faigāpalota pe toe tu'u atu i se isi taimi mulimuli ane le palota?
- 2.11 E faafelea ona faaleleia faagasologa o le faitauina o palota?
- 2.12 Pe ua lava puipuiga mo le fa'amaoni o le faitauga sa'o a'ia'i o palota? Afai e leai, o ā ni suiga e tatau ona fai?

Pe iai se isi mea e te finagalo e ta'u mai ia i matou e uiga i mataupu o lo'o i le Vaega 2: Tagata palota?



Vaega 3: Vaega fa'aupufai ma sui tauva

- 3.1 O ā suiga, pe afai e iai, e mana'omia i le fa'atulagana mo se vaega fa'aupufai ina ia tumau ai pea le lesitalaina?
- 3.2 O ā ni suiga, pe afai e iai, e mana'omia i tulafono e agava'a ai e avea ma sui tauva?
- 3.3 O ā ni suiga, pe afai e iai, e mana'omia i vaega mana'omia e tatau ona mulimulita'ia e vaega fa'aupufai pe a filifilia a latou lisi o a latou vaega fa'aupufai?
- 3.4 O ā ni suiga, pe afai e iai, e tatau ona faia e fa'aleleia ai le fa'agasologa o le fa'atutūina mai mo sui tauva?
- 3.5 O ā ni suiga, pe afai e iai, e tatau ona faia i tulafono mo le fa'atupeina o faiga fa'apolokiki?
- 3.6 E fa'apefea ona fa'atupe ni vaega fa'aupufai ma sui tauva?
- 3.7 O ā ni suiga, pe afai e iai, e tatau ona faia i tulafono o fa'asalalauga fa'alauiloa o faigāpalota ma fa'atosina mo faiga fa'apolokiki?
- 3.8 O ā ni tapulaa, pe afai e iai, e tatau ona fa'aaogā i fa'asalalauga fa'alauiloa o faigāpalota ma tupe fa'aalu i fa'atosina? O ai e tatau ona fa'atatau i ai tapula'a?

Pe iai se isi mea e te finagalo e ta'u mai ia i matou e uiga i mataupu o lo'o i le Vaega 3: Vaega fa'aupufai ma sui tauva?



Vaega 4: Fa'afoega o faigāpalota

- 4.1 O ā ni ou manatu fa'aalia i matāfaioi ma galuega tauave a le Komisi o Faigāpalota?
- 4.2 O a ni ou manatu fa'aalia i le tausiga ma le fa'aavanoaina o lola palota, e aofia ai ma lola palota e le'i fa'asalalauina?
- 4.3 O ā ni suiga, pe afai e iai, e mana'omia i le Komisi o Sui Faatonu ma le auala e fa'atulaga ai ma fa'aigoaina tuaoi o itumalo fa'apalota?
- 4.4 O ā ni suiga, pe afai e iai, e tatau ona faia i soligātulafono o lo'o iai nei, fa'asalaga, ma faiga mo le fa'amalosiaina?
- 4.5 O ā ni suiga, pe afai e iai, e tatau ona faia i auala e fo'ia ai fe'ese'esea'iga i tulafono o faigāpalota po'o taunu'uga o faigāpalota?
- 4.6 O le ā, pe afai e iai se mea, e tatau ona faia e fa'aitiitia ai le lamatiaga o fa'amatalaga taufa'asesē ma fa'amatalaga lē moni e a'afia ai faigāpalota a Niu Sila?
- 4.7 O le ā, pe afai e iai se mea, e tatau ona faia e fa'aitiitia ai le lamatiaga o le fa'alavelave mai o isi atunu'u e a'afia ai faigāpalota a Niu Sila?

Pe iai se isi mea e te finagalo e ta'u mai ia i matou e uiga i mataupu o lo'o i le Vaega 4: Fa'afoega o faigāpalota?

Pe iai se isi mea e te finagalo ai e ta'u mai ia i matou e uiga i le iloiloga?



He Arotake Pōtitanga Motuhake
Iloiloga Tuto'atasi o Faigāpalota

<https://electoralreview.govt.nz/>
secretariat@electoralreview.govt.nz